



BERSEMANGAT: Para peserta bergambar sebelum memulakan Program Kembara Merdeka 2023.



PATRIOTISME: George (tengah) bergambar bersama para peserta Kembara Merdeka 2023.



MUHIHAB: Sebahagian peserta yang menyertai program itu ketika mengayuh basikal retro.

Perpustakaan UMS bersama komuniti pustakawan jayakan Program Kembara Merdeka 2023

UB 23.09.2023 P.06
KOTA KINABALU: Selaras usaha menyuburkan rasa cinta kepada negara, Perpustakaan Universiti Malaysia Sabah (UMS) bersama komuniti pustakawan di Sabah telah menjayakan Program Kembara Merdeka 2023 baru-baru ini.

Program dianjurkan oleh Persatuan Pustakawan Malaysia dengan kerjasama Perpustakaan UMS, Perpustakaan Negeri Sabah, Perpustakaan Penyelidikan Borneo Tun Haji Mohd Fuad Stephens, Yayasan Sabah serta Kelab Pemilik Basikal Retro Membakut (KROM).

Program tahunan itu antara lain bertujuan untuk menyemarakkan semangat patriotik

dan nilai kecintaan kepada bangsa dan negara.

Selain itu, ia menjadi medan meningkatkan jalinan ukhwaah di kalangan pustakawan dan warga perpustakaan sekitar Kota Kinabalu dengan bekerjasama menggembleng tenaga menjayakannya.

Menteri Sains Teknologi dan Inovasi (MOSTI), Datuk Dr. Haji Mohd Arif, berkata Kembara Merdeka itu sudah menjadi acara tahunan Persatuan Pustakawan Malaysia kumpulan Sabah dan pada tahun ini diadakan di Perpustakaan Negeri Sabah cawangan Membakut.

"Kami sentiasa bersedia untuk menyokong program yang berkaitan, dengan hara-

pan ia membawa harapan besar dan impak positif kepada masyarakat.

"Ia bukan hanya merayakan sejarah kita, tetapi juga menggalakkan kesedaran akan kepentingan ilmu dan pengetahuan dalam pembangunan negara," katanya.

Beliau berkata demikian dalam teks perasmian yang dibacakan oleh Timbalan Pengarah Perpustakaan Negeri Sabah, George Yih Ching Yaw.

Tambah beliau, melalui penganjuran program itu, masyarakat dapat bersatu dalam semangat persatuan dan keharmonian yang telah menjadi ciri utama Malaysia khususnya di Sabah.

"Melalui program ini juga,

masyarakat dapat menghayati kembali perjuangan yang membawa kita kepada kemerdekaan dan mengapresiasi kesepakatan antara kaum yang membentuk negeri yang unik," katanya.

Program Kembara Merdeka 2023 bermula di Stesen Keretapi Tanjung Aru sehingga ke Perpustakaan Negeri Sabah Cawangan Membakut yang diadakan bersempena dengan Hari Malaysia.

Untuk rekod, seramai 120 orang terdiri daripada peserta dan jemputan telah menghadiri majlis perasmian program tersebut.

Hadir sama Pegawai Daerah Kecil Membakut, Ibrahim Terki dan Ketua Pustakawan UMS, Md Sazali Md Salleh.